



PARAU FA'ARARA'A NĀ TE MAU VE'A #37

Te mau nūmera o teie ma'i :

90 hi'opo'ara'a tei ravehia i te mahana maha ra (55) e i nanahi ra (35); aita e ta'ata i ro'ohia i teie tiro tiro. 2 634 ta'ata tei hi'opo'ahia, mai te omuara'a o teie ma'i. E 58 rahira'a ta'ata tei ma'ihia i te Covid-19 : 7 ta'ata tei roto noa ā i te hi'opo'ara'a tāmau. 51 ta'ata tei 'afaro roa mai ; 'aita te mau tapa'o ma'i e 'itehia fa'ahouhia ra i nia ia rātou. 1 noa ā ta'ata i roto i te fare ma'i, e te āfaro noa maira. E te parau āpi oaoa ra, aore roa e ta'ata i fa'arue mai.

Teie ra, ia vai ara noa ā tātou, e ia tāmau noa ā i te fa'a'ohipa i te mau ravea pānurura'a i teie ma'i, e ia fa'aiti i te teretere.

Te mau nūmera 'i teie mahana

Ta'atoara'a o te mau ta'ata tei ma'i hia i te COVID-19 : 58


Rahira'a ta'ata tei ma'i hia i te COVID-19 e o tei tapea hia i te fare ma'i :

- no teie taimē 1

- mai te ha'amatarā'a no teie ma'i 4


Rahira'a ta'ata tei rapa'āu hia i roto i te piha rapa'aura'a ma'i fifi 1

Fig. 1. Rahira'a ta'ata tei ma'i hia i te COVID-19 'i Pōrīnetia farāni nei māi te omuara'a mai



No roto mai : Piha hi'opo'ara'a i te mau ma'i, Fa'aterera'a nui no te ea

Fig. 2. Te mau ma'i i Tahiti e i Moorea, i te mahana ma'a nō Mē 2020



No roto mai : Piha hi'opo'ara'a i te mau ma'i, Fa'aterera'a nui no te ea

Te tere manureva ta'a'e (Continuité territoriale) i te fenua Farāni e te mau tere manureva i roto i te mau ta'a motu.

E tae mai te toru o te tere manureva a te taiete Air Tahiti Nui o tei tārahuhia e te Hau Nui (Continuité Territoriale), i te ta'ura'a manureva no Tahiti-Faa'a i teie mahana mā'a i te tui ra'a pō mahana. Fa'aho'i mai oia e 33 ta'ata : te mau ta'ata ma'i e tō ratou mau ape'e e te tahi mau rave 'ohipa o te Ea. Mai tei fa'anahohia 'aena no te fa'ari'i ra'a ia ratou i te fenua nei, 'ua hi'opo'ahia ratou na mua noa 'ae i te paiumara'a i nia i te manureva, aita e tiro tiro e te mau tapa'o ma'i i roto ia ratou. E fa'ari'ihia ratou i ō nei, e i muri 'ae e 'opanipanihia atu ai i roto i te hō'ē fare tei tārahuhia e te Hau Fenua no te ro'ara'a e 2 hepetoma. E 'ape'ehia ratou e te mau taote manava mai tō ratou tae ra'a mai, e na reira atoa i te ro'ara'a e tō ratou 'opanipani'ahia.



E tāmāu noa hia ā ratou i te hi'opo'ahia e te taote. Na te reira e ha'amaita'i atu ā i te parau no te pānurura'a.

No te tere manureva i roto i tō tātou mau ta'a motu, e ha'amata fa'ahou ā ia i te monire 11 no Mē i muri nei.

Te mau Pāruru vaha : e ho'ohia i roto i te mau fare ho'ora'a ra'au, ei tauturura'a i te hamanira'a pāruru vaha nira i te fenua nei.

E 500 000 pāruru vaha, no roto mai i te ha'apuera'a pāruru vaha tei poro'ihia e o tei ha'aputuhia i te fare ra'au a te Hau o tei fa'ata'ahia no te mau fare ho'ora'a ra'au i te fenua nei. E nehenehe ia ratou e ho'o i taua mau pāruru vaha ra mai te monire 4 nō Mē i te moni e piti ahura tara (100 farani). 'Ua fa'arirohia teie mau pāruru vaha e tauiha'a faufa'a roa e o te hinaaro rahi hia e te ta'ata.

Te Fa'aterera'a o te Ea teie e fa'aha'amana'o fa'ahou atu nei ā ia tātou e ia omono i te pāruru vaha nira, o te hō'ē teie o te mau ravea pāruru.

Te imi atoa nei te Fa'aterera'a o te Ea i te tahi mau ravea tauturura'a i te hamanira'a i teie mau pāruru vaha nira i te fenua nei.

Te mau Pāruru vaha nira : pa'epa'ehia te hamanira'a i te fenua nei

Te fa'aha'amana'o fa'ahou atu nei te Fa'aterera'a o te Ea, ia fa'a'ohipa i te mau ravea pānurura'a i roto teie tau ha'amamara'a i te 'opanipanira'a i te fare. I roto i teie mau ravea pānururura'a, te vai nei te pāruru vaha nira.

No te pa'epa'e i te hamanira'a i teie mau pāruru vaha nira, e turu te Hau fenua i te mau taiete e poro'i nei i te ahu.

No reira e mea ti'a roa ia ha'apapuhia ia 'outou te tahi mau arata'ira'a : No te aha e omono ai i te pāruru vaha nira, nafea ia omono i te pāruru vaha nira, e eaha te taime e omono ai te pāruru vaha nira, tona tāmara'a, e eaha te huru ahu e rave no te hamanira'a.

No te aha e omono ai te pāruru vaha nira : te fā no te pānurura'a ia 'oe iho e tae noa atu i te ta'ata e ha'ati ra ia 'oe. Na te reira e ha'amaita'i atu ā i te parau no te pānurura'a.

Eita ia 'oe e nehenehe fa'ahou e tape'a afaro roa atu i to 'oe hohoa mata. Na teie pāruru vaha nira e tape'a i te hu'are i te pe'e atu i nia i te tahi ta'ata, e ore ai te reira ta'ata e pe'ehia i teie tiroiro.

Nafea ia omono i te pāruru vaha nira, e eaha te taime e omono ai i te pāruru vaha nira :

Ia omono te pāruru vaha nira i piripiri atu 'oe i te tahi mau ta'ata ē atu i tō 'oe utuafare feti'i. No te tāmara'a i teie pāruru vaha nira, ia po'i roa te ihu, te vaha e tae roa atu i raro 'ae i te ta'a.

Te fa'aha'amana'o fa'ahou atu nei te Fa'aterera'a o te Ea ia horo'i tāmāu i te rima nā mua a'e e nā muri a'e i te omonora'a i te pāruru vaha nira. No te mea e ahu ra, e rari ihoa teie pāruru vaha nira. A tau'i pinepine ra teie pāruru vaha nira ia au i te huru o ta 'oe 'ohipa.

Te tāmara'a i te pāruru vaha nira :

A horo'i teie mau pāruru vaha nira i te pape veavea, e ono ahuru (60) teteri, i te roa'ra'a afa hora.

Eaha te huru ahu e rave no te hamanira'a : Te fa'a'ara nei te Fa'aterera'a o te Ea e ia ma'iti maita'i te ahu e rave no te hamanira'a i te pāruru vaha nira. E piti fā :

- 1 - Ia nehenehe noa te ta'ata e huti tōna aho ;
- 2 - Ia pānuruhia te ta'ata ina tera faito e hitu ahuru i nia i te hanere (70%).

Te ha'apapu nei te fa'aturera'a « AFNOR » ia nirahia e piti 'ae tuha'a ahu (hō'ē i nia e hō'ē i raro 'ae). Teie tōna faito tei'aha : mai te hanere piti ahuru e tae atu i te hanere e pae ahuru tarama.

No te ha'apira'a i te hamanira'a i te pāruru vaha nira, a haere atu i nia i te Tahua Natirara : <https://www.youtube.com/watch?v=krXe8PGM Lok>

TE PORO'I NŌ TEIE MAHANA

**IA VAI ARA NOA RA TĀTOU
'AITA Ā TEIE FIFI MA'I I ORE ATURA
A FA'A'OHIPA I TE MAU
RAVEA PĀRURU
MĀURUURU E FA'AITOITO**